



Sesida dals

Communitgà ils

Protocol nr.

29 d'avust 2017

30 d'avust 2017

750

Dumonda Wellig

concernent firmas da chaschas da brevs e permissiuns B en il Moesano

Resposta da la regenza

La regenza prenda serius la situaziun concernent firmas da chaschas da brevs e permissiuns B en la regiun Moesa e persequitescha attentamain il svilup. Differentas mesiras èn gia vegnidas prendidas. Tant sin plaun politic sco er sin plaun dals uffizis stat il chantun Grischun en contact cun il chantun Tessin.

Dumonda 1 Sin plaun federal è la politica sa fatschentada gia diversas giadas cun ils problems menziunads. Pervia dal svilup svelt e pervia da la midada structurala en il sector da finanzas è vegnida identifitgada er per la Svizra sco piazza economica l'impurtanza d'ina regulaziun efficazia e d'instruments da surveglianza correspundents per proteger la populaziun. Actualmain vegnan tractadas en il parlament federal la nova lescha federala davart ils servetschs finanziairs e la nova lescha federala davart ils instituts finanziairs. L'emprima da quellas leschas cuntegna reglas da cumportament ch'ils furniturs da servetschs finanziairs ston observar en il contact cun lur clientella, entant che la segunda lescha unifitgescha en emprima lingia las reglas da permissiun per ils furniturs da servetschs finanziairs. Gia dapi in temp pli lung è en vigur la lescha federala davart las bursas ed il commerzi cun valurs mobigliaras (1. da favrer 1997), la lescha federala davart il cumbat cunter la lavada da daners suspectus en il sector da las finanzas (1. d'avrigl 1998) e la lescha federala davart l'autorità federala per la surveglianza dals martgads da finanzas (22 da zercladur 2007). La lescha federala davart las bancas e cassas da spargn (8 da november 1934) è actualmain en revisiun. Ultra da quai garanteschon organisaziuns d'auto-regulaziun, uschia er la SRO Treuhand Suisse, ch'i na vegnan gnanc fundads instituts finanziairs dubius u almain che quels vegnan identifitgads svelt sco tals. En vista a quai, en vista a la resposta anc adina actuala da la regenza dals 13 da schaner 2004 a la dumonda Noi-Togni dals 9 da december 2003 ed en vista a la circumstanza ch'ina lescha chantunala valaivla per tut il chantun (betg mo per la Val Mesauca) para dad esser sproporziunada ed incunvegna, na vesa la regenza nagins motivs per stgaffir ina regulaziun chantunala correspundenta.

Dumonda 2 Dapi l'onn 2014 è vegnidas transferidas tut en tut 281 interpresas dal Tessin en la Val Mesauca (2014: 64; 2015: 78; 2016: 84; 1. da schaner – 26 da fana-dur 2017: 55). Ina part da questas firmas ha fatg concurs, è vegnida liquidada, stiz-zada u retransferida en il Tessin. Effectivamain restan anc 194 interpresas. 99 da quellas han emploiadas ed emploiads. Gia 32 interpresas ha l'uffizi per industria, mastergn e lavur (UCIML) controllà areguard l'existenza d'in lieu da manaschi. 11 n'han betg pudì cumprovar in tal. A questas interpresas è vegnida refusada la quali-ficaziun da patruna a maun d'ina disposiziun, ma i èn anc pendants intgins recurs en chaussa.

Dumonda 3 Las suandantas permissiuns B per persunas estras cun lieu da domicil e lieu da lavur en la Val Mesauca èn vegnidas dadas: 2013: 108; 2014: 78; 2015: 83; 2016: 78; 1. da schaner – 31 da matg 2017: 29. Supplementarmain ha il chantun Tessin concedì durant questa perioda totalmain 69 permissiuns B a persunas estras cun lieu da domicil en il chantun Tessin e lieu da lavur en la Val Mesauca. Quantas persunas estras cun permissiun B che abitan effectivamain en la Val Mesauca na sa il chantun betg. Sche circumstanzas concretas inditgan ch'i manchia in domicil en Svizra (p.ex. il patrun n'ha nagin lieu da manaschi), controlla l'uffizi da migraziun e da dretg civil l'interpresa e retira eventualmain la permissiun B.

Dumonda 4 Dapi il 1. d'avust 2013 eran annunziads en il CIL Roveredo tut en tut 109 burgaisas e burgais da l'Italia cun permissiun da dimora B che han retratg almain ina diaria da dischoccupaziun.

Dumonda 5 Tenor la legislaziun vertenta e tenor la cunvegna davart la libra circula-zion n'èsi betg admiss giuridicamain da pretender in extract dal register penal sco standard tar tut las dumondas. La regenza dal chantun Grischun n'è betg pronta d'introducir ina pratica illegala. Quai vala oravant tut er perquai che eventualas inscripziuns en il register penal n'han nagin connex direct cun ils concurs u cun las scussiuns menziunadas. Da pretender extracts dal register penal fiss sulettamain in obstachel administrativ supplementar. Chastis èn mo relevants, sch'ins po deducir da quels in privel massiv per l'urden public e per la segirezza publica.



En num da la regenza
La presidenta:

A handwritten signature in black ink, appearing to read "B. Janom Steiner".

B. Janom Steiner

Il chancelier:

A handwritten signature in black ink, appearing to read "Daniel Spadin".

Daniel Spadin